



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus II. Quænam Libellus debeat continere?

---

[urn:nbn:de:hbz:466:1-73001](#)

## ARTICULUS. II.

*Quænam Libellus debeat continere?*

480.

**T**Ria potissimum sunt, quæ Libellus conventionis continere debet, nimirum causam petendi, narrationem facti, ac petitionem; Libellus enim est instar Syllogismi practici, ubi causa debendi, seu medium, & ratio concludendi est quasi causa majoris propositionis; narratio facti, loco minoris; petitio autem loco conclusionis. Sic si Iesus ultra dimidium in contractu venditionis, agere velit contra emptorem, vel ad rescissionem, & restitutionem rei, vel ad supplementum pretii, Libellus, ne ineptus sit, debet posse reduci ad talem Syllogismum: Emptor in tali casu debet vel rescindere contractum, & rem emptam restituere; vel supplere pretium; hic Emptor in contractu emptionis circa tales rem (domum v. g.) me laesit ultra dimidium justi pretii: ergo debet vel rescindere contractum, & dominum mihi restituere; vel supplere justum pretium; sic enim aptè concludet, si ritè probet præmissas; & de his potissimum agitur articulo præsenti; ubi tamen non. non esse opus, propositionem maiorem poni primo loco; præsertim, ubi per se constat; & posse libellum inchoari à narratione facti, protit magis expediens videbitur; cum plerūque in minori, seu facti propositione litigetur; his præmissis:

## §. I.

*De causa concludendi, seu petendi.*

481.

**A**Nte resolutionem supponendum, in quavis Actione duplē causam considerari posse, nimirum proximam, & remotam; & quoniam actio alia est personalis; alia, realis: causa proxima in prima est *jus in Actore*; erga Reum, debitum, seu obligatio in Reo; remota est titulus, ex quo Actori jus; Reo debitum proveniat; v. g. contractus, quasi contractus, vel pactum saltem vestitum: in reali autem causa proxima est *jus in re*, seu *realis*; remota vero *titulus*, ex quo illud jus in

re, seu reale natum est. Quæstio igitur est, an, & quæ in libello conventionis ab Actori exprimenda sit? *Causam debendi exprimendam esse, constat ex c. dilecti filii 3. b. t.* nam, cum Prior, & Conventus S. Mariæ ad carceres impetrassent à Sede Apostolica rescriptum super debito pecuniariorum contra fratres Ecclesie de Hispida, isti comparentes coram Judicibus delegatis, excipiendo dixissent, quod respondere non teneantur, eò, quod in libello expressum non sit, ex qua causa pecunia illa deberetur. Judices autem delegati hanc exceptionem non admississent: dicti fratres ad Pontificem appellaverunt: causam igitur cognitam respondit Pontifex: *mandamus, quatenus si ita est, revocato in irritum, seu in statum pristinum, quidquid post appellationem hujusmodi fuit innovatum.* Ex quo textu Doctores communiter deducunt, Reum non teneri respondere Libello in actione personali, si non exprimatur causa debiti, seu ex qua debeatur.

Quæstio autem est, quæ causa in libello 482. conventionis de necessitate exprimenda sit? Resp. in actione personali requiri, ut exprimatur causa *remota*; in reali, sufficere causam *proximam*. Ratio discriminis in eo consistit; quia in actionibus in personali, nisi Actor utramque causam expresserit, Reus utrum cedere, an contendere debeat, agnoscere non valet; nam evenire poterit, ut Actor eam causam exprimat, ob quam statim Reus faretur se debere; contingere etiam potest, eam causam declarari, ob quam Reus etiam nihil debeat: quod secus procedit in actionibus in rem; nam cum Actor se dominium esse dicat, dominiumq; ut causam exprimat, Reus cognoscere valebit, an cedere, vel contendere illi expediatur; quia si Actor Dominus est, ut ipso assertit, ex quacumq; causa Dominus fuerit, Reus illi rem petitam tenetur restituere. L. officium, ff. de rei vind. quare Actor in actione reali causam tantum proximam tenetur exprimere, ut docet Donellus lib. 23. c. 4. Not. autem non sufficere, quod Actor solum dicat, Reo nullum jus esse in, vel ad rem, de qua convenitur; nam per hoc non reddit sufficientem causam rei, sibi debite.

Quæstio altera est, an Actor etiam qualitatem actionis, ex qua procedere vult, exprimere teneatur? cum saepe contingat, quod

quod quis in eadem causa possit Adversario intentare diversas actiones, agendo contra illum, vel civiliter tantum, vel etiam criminaliter; &c. hæc quæstio mota fuit apud Alexandrum III. ut refertur in c. dilecti filii. 6. de Judiciis: ad eam portò rescripsit Pontifex: provideatis attentius, ne ita subtiliter, sicut à multis fieri solet, cuiusmodi actio intentetur: inquiratis, sed simpliciter, & purè factum ipsum, & rei veritatem, secundum formam Canonum, & Sanctorum Patrum instituta, investigare curetis; ex qua response communiter deducunt Interpretes, partem non cogi nomen actionis exprimere in Libello; factum tamen ita clare proponendum esse, ut ex eo jus agendi colligatur; adeoque Judicem Ecclesiasticum non debere subtiliter nomen intentatæ actionis requirere, sed simpliciter ac purè ipsum factum, & rei veritatem secundum Canones investigare.

484.

Verum hæc deductio intelligi debet, si ex narratione facti, ac petitione, sufficienter appareat intentio Actoris; si enim hoc deficeret, nec Judex de justitia libelli recte judicare; nec Adversarius deliberare posset, num liti cedere, num litigare velit? Nam si quis tibi equum v. g. surto sustulit, agere potes, vel ad paenam inferendam furi, vel ad rei persecutionem. Iam verò cum ad rei persecutionem agere vis, potes, agere, vel rei vindicatione contra quemlibet rei furtivæ possessorem; vel conditione furtivâ, tendente nimirum contra furem, vel ejus heredem, ut rem, si extet, restituat; vel si non extet, praestet estimationem; vel conditione incerti, quæ competit non Domino, sed Creditori v. g. habenti aliquod jus in re. Si igitur nec ex constructione libelli, nec etiam ex ipsa conclusione appareat, quo Actor tendat? cum non quilibet actio culibet, nec contra quemlibet competit, obscuritate laborabit libellus, incertus erit Judex, an Libello recte deferat? & Adversarius ex tali causa non clare proposita conveniri possit, & respondere debeat? Et ideo Wagener in dictum c. 6. censet, si Judex dubitaret de dolo circa actiones, vel sine expressione actionis causa cognosci non possit, etiam exprimentum actionis

nomen, vel, ut diximus n. 475. à Judice accipendum fore, quod ei, qui Libellum obtulit, utilius est.

Quæstio 3. est, quænam præterea exprimenda sint in Libello conventionis? Resp. ea comprehendendi hoc versu: quis? quid? coram quo? quo jure petatur? & à quo? Per particulam quis? denotatur Actoris nomen, ut constet de intentante actionem, vel alterum vocante in judicium; per quid? intelligitur negotium, & narratio facti; per coram quo? designatur Judex, coram quo actio instituenda est, ut Reus scire possit, an sit competens; quo jure? significatur causa debendi, seu petendi. à quo? ut constet de Reo, qui convenitur, & in judicium ad respondentum vocandus est. Not. autem, quando Prælatus Ecclesiæ, hujus causam acturus est, non requiri, ut exprimat suum nomen proprium; sed debere pone re nomén dictæ Ecclesiæ, etiamsi posuisset etiam nomen proprium, exprimendo simul, se acturum nomine illius Ecclesiæ. Nam cum possit Prælatus agere, vel suo, vel Ecclesiæ nomine, merito distinctio facienda est.

Not. 2. quando dicitur, ab Actore in libello debere exprimi rem, quam petit, sic debere fieri, ut & Judex, & Reus cognoscere possint, quæ illa determinatæ seu specificè res sit, quam petit; & quidem, an totam, vel partem, aut quotam? colligitur hoc ex c. significantibus. 2. h.t. cum enim in lite super quadam terra Fratribus T. & R. qui plures terras habebant, oblatus suis libellus, petierunt terram controversam designari! quod, cum Judices denegarent, appellationem ad se factam Pontifex recepit, & si quid postea attentatum sit, in irritum revocari jussit. Nam ex hac decisione deducunt communiter Doctores, libellum generalem, quo nimirum petitur una res incerta, non designata suo loco, vel certis finibus, non valere, nec admitti. Hæc tamen regula limitari debet. 1. ut non procedat, si aliunde constat de re, quæ petitur; ut si quis petat, quod sibi Testamento legatum est; vel quando ipsa res jam nota est; 2. in petitione fructuum, usurarum, damnorum, expensarum, & interesse; sic Barbol. in dict. c. 2. n. 4. 3. in petitione hereditatis; 4. quando incertitudo folium

solum est ex parte rei in accessoriis, si modò principale designatum sit, ut, cùm petitur *tale feendum*, cum fructibus perceptis; ubi ex parte fructuum est incertitudo; non autem ex parte rei principalis; s. cùm petitur aliquod totum; securus, si tantum pars; quia tunc id exprimentum est, & quidem quantum partis, vel quota, ut colligitur ex L. *si in rem. 6. ff. de rei vindicat. ibi: si in rem aliquis agat, debet designare rem: & utrum totam, an partem, & quotam petat?* appellatio enim rei, non genus, sed speciem significat.

**487.** Et subjungitur: *Oclavenus ita definit: quid infecta quidem materia, pondus, signata vero, numerum; facta autem, speciem dici oportet. Sed & mensura dicenda erit, cum res mensurâ continetur. Et, si vestimenta nostra esse, vel dari oportere nobis petamus, utrum numerum eorum dicere debebimus, an & colorem? Et magis est, ut utrumque; nam illud inhumanum est, cogi nos dicere, triata sint, an nova. Quamvis & in vasis occurrat difficultas, utrum lancem duxat dici oporteat: an etiam quadrata, vel rotunda? vel pura, an calata sint? qua ipsa in petitionibus quoque adjicere, difficile est: nec ita coarctanda res est: licet in pectore homine nomen ejus dici debet: & utrum puer, an Adolescens sit? utique si plures sint; sed, si Nomen ejus ignorrem, demonstratione ejus utendum erit, veluti: qui ex illa hæreditate est: qui ex illa natus est. Item fundum petiturus, nomen ejus, & quo loci sit, dicere debet; & hoc, quando libellus continet actionem realem, in judicio ordinario, non universalis, vel generali.*

**488.** Dixi. 1. in judicio ordinario; nam in *Summario* non obstat Libelli inceptitudo; cùm Libellus non sit de substantia processus Summarii; ergo non obstat ei inceptitudo, si forte offeratur ex superabundanti. Aliud est, quod Testibus non juratis nec in processu Summarii creditur, ut tradit Mynsinger: centur. 3. observat. 80; quia probatio petitionis etiam in hoc judicio est de ipsis substantia, ubi res de se non est liquida. Dixi. 2. in judicio non universalis, vel generali; hoc enim differt a non tali, seu singulari, & inter se.

*Tom. II.*

Judicium enim *universale* dicitur, quando petitur universitas bonorum, nempe hæreditas; *Generale* est, quando generaliter petitur, ut Tutor v. g. reddat rationem suæ administrationis: *Singulare* est, quo petitur res singularis, vel plures singulares determinatae. Nam, an circa libellum in casu judicij universalis, generalis, vel etiam singularis aliquid emendari, mutari, addi, vel amitti possit? constabit à n. 495.

## ¶. II.

### De narratione facti.

**A** Gimis hic de Libello *conventionis*; **489.** non autem *criminalis actionis*; nam de hoc agimus L. 5. tit. 1. narrationem porrò facti, quam continere debet libellus *conventionis*, debere esse brevem, claram, & ordinatam, ostendimus à n. 472. Quæstio tamen est. 1. an, & quando admittatur Libellus alternativus in narratione facti? Resp. quod regulariter non admittatur; quia parit incertitudinem petitionis; adçoque non recipit certam sententiam, que tamen, ut recta sit, certa esse debet. Et ideo in L. *Prætor*, 7. ff. de *Injuriis*, *Prætor* edixit: *qui agit injuriarum, certum dicat, quid injuria factum sit?* quia, si famosam actionem intendit, non debet vagari cum discrimine alienæ existimationis, sed designare, & certum specialiter dicere, quam se injuriam passum contendit, ubi ¶. 1. statim subjungitur: rectius igitur fecerit, si hujusmodi actionem non dederit. Si autem quæreras; qualiter accipendum sit, quod *Prætor* ait, *quid injuria factum sit*, certum dicat? Resp. ex eadem L. 7. §. 4. certum eum dicere, *Labeo* ait, *qui dicat nomen injuriae, neque sub alternatione, puta illum, aut illud, sed illum injuriam se passum*. Dixi, in narratione facti; nam qualiter libellus possit esse alternativus in conclusione, vel petitione, dicemus à n. 492.

Quæstio altera est, an in narratione facti debeat exprimi *locus, tempus, dies?* **490.** Resp. quando civiliter agitur, non rejet libellum omisso loco, tempore, die, facti, si pars nihil opponat; prout colligitur ex c. *dilectus. 2. de ordin. cognit. ubi*

*S*

ubi cùm Abbas de Ferentino coram Innocentio III. questus esset contra Nobiles de Artone, quia manu armata ad Monasterium venientes, prædam animalium, aliaquè damna intulerunt, petiissetque sibi justitiam administrari; & Nobiles in præsentia Papæ, lite nondum contestatâ, objecissent, quod ipsi per dolum, & violentiam Abbatis Castrum Sirati amiserint, & ideo rogâscent se prius restitui, quam Abbatii respondere cogantur; præsertim, cùm per testes suam innocentiam in continenti probare velint: *nulla mentione temporis facta, nec parte contra istam omissionem excipiente, Libellus va-*luit.

**491.** Dixi: *si pars nihil opponat; secundum è-*nim foret exprimendum, quod universa-liter in ejusmodi actionibus dicendum vi-detur, quando expressio loci, vel tempora-  
ris parti est necessaria ad sui defensionem,  
ut constat ex casu à nobis relato in priori-  
bus. Accedit, quod Reo convento dé-  
beat posse constare, an nequum sint lapsa  
fatalia: an nempe actio intra debitum  
tempus, annum videlicet, sit instituta,  
aut per litis contestationem perpetuata: &c.  
Si tamen continget, quod parte  
exigente specificari locum, vel tempus,  
aut diem facti determinatè, alter revera  
non recordaretur loci, vel diei in indivi-  
duo, v. g. ex quo loco res fuerit ablata:  
vel quo die id contigerit, videtur admit-  
tendus Libellus, si ea edere justus juratus  
diceret, se non scire locum, vel diem de-  
terminatè; fuisse tamen in hoc, vel il-  
lo; aut factum esse, intra tale tempus  
circiter, modò non nominetur amplius  
do nimia.

### 2. III.

#### De conclusione Libelli.

**492.** COnclusio Libelli conventionis debet  
continere petitionem Actoris; nam  
in Libello accusationis, seu criminali  
non requiritur, quia nihil petitur; sed  
sufficit narratio delicti, vel criminis, ad-  
junctis circumstantijs, personæ, loci, tem-  
poris, &c. quo probato ad Judicem per-  
tinere pœnam infligere, vel legalem, vel  
arbitrariam, juxta juris, & legum dispo-  
sitionem. Observandum autem est,

ineptum fore Libellum, si petitio, seu  
conclusio non congruat rationi, seu cau-  
ſæ petendi allegatae in Libello; ut, si pe-  
tatur determinatè, quod vi causæ, quæ  
allegatur, non debetur determinatè, sed  
solum alternativè; prout constat ex casu  
à nobis relato num. 489. Hinc, et si ve-  
rum sit vi Legis. 7. de qua n. 489, debere  
certum peti; sunt tamen casus aliqui, ubi  
sustinetur libellus *alternativus* in conclu-  
sione, seu petitione. 1. quando scilicet  
causa petendi non aliter petitionem infert,  
ut constat ex casu in num. 486. Dein-  
de, quando certum est, vi allatae causæ  
deberi hoc, vel illud alternativè, neu-  
trum autem determinatè, nisi ex supposi-  
tione de defectu alterius, & electio est pe-  
nes Reum conventum, petitio potest esse  
alternativa, v. g. si laesus in emptione ul-  
tra dimidium agat ad reparationem da-  
mni (cùm eo casu electio sit penes Empto-  
rem, vel rescissio contractu rei emptam  
restituere, recepto pretio; vel fieri vale cum  
supplemento pretii) Actor aptè conclu-  
det alternativè, ut Emptor præstet vel pri-  
mum, vel secundum.

Similiter non obstat alternativa petitio;  
quando incertitudo (propter quam res ne-  
quit absolute, ac determinatè peti) pro-  
venit ex facto alieno; ut, si alteri commo-  
davi equum, & dñbito, num adhuc ex-  
istat, vel interierit; potero quidem de-  
terminatè petere redditionem equi, sed  
sub conditione, si adhuc extet; & alte-  
ratè reflexa, si non amplius extaret, illius  
æstimationem; id, quod frequenter eve-  
nit in causis sponsalium de futuro  
contra injustè resilientem; eò enim casu  
Actor rectè formabit libellum, quo deter-  
minatè petat, fieri nuptias sibi protinssas;  
aut, si nollet, nec per censuras cogirent-  
tem expediret, propter difficiles  
ejusmodi invitorum connubiorum exitus,  
prudenter ac rationabiliter metuendos, sa-  
tisfactionem præstet, quanti interest; unde  
in tali casu commune est, *aut duc, aut do-*  
*ta.*

Eadem alternativa conclusio com-  
muniter admittitur, quando petitur re-  
stitutio adversus contractum, testamen-  
tum, vel sententiam: quia tunc pot-  
est Actor alternativè petere, ut declare-  
tur nullus, vel, si quo modo valeat,  
rescindatur, aut ipse adversus eum  
in in-

in integrum restituatur; item, cum Actor dubius, an sententia valeat, & appellare possit, si in libello dicat se sentire, vel sententiam nullam esse, vel si mero jure vallet, se appellate; denique etiam in actione hypothecaria sustinetur alternativa petitio in Libello, ut si Actor dicat: peto illum condemnari ad tradendam rem op-pignoratam, vel ad solvendum debitum, L. Sifandus. 16. §. in vindicatione, ff. de pignor. nam in actione hypothecaria possessor potest rem retinere, & offerre creditori estimationem litis, L. 2. ff. quibus mod. pign. vel hypothec. solvend.

## §. IV.

An, & qualiter Libellus mutari, vel emendari possit?

**495.** Cum, ut ex dictis colligitur, sepius contingat, Libellum, ab Actore Judicii porrectum, laborare aliquo vitio, nec semper propterea rejiciendus sit, questio est, an, & qualiter mutari, vel emendari possit? potest autem libelli vitium nasci ex pluribus causis; si obscurus sit, si non ordinatus, si careat causa debendi, si non recte concludat, si plus petat, si cumulet actiones contrarias, &c. Vnde questio est, an si libellus laboret vitio ex cumulatione actionum, quae sibi contrariae sunt, Judex possit eum Actori reddere, declarando illi contrarietatem, & monendo, ut uni insistat, cui maluerit? Resp. posse, si hoc vitium sit commissum à persona, quam excusat ignorantia juris; sic enim intercedit justus: at, si Actor novit actionum contrarietatem, distinguendum est; potest enim fieri, quod noverit eam contrarietatem, sed nesciverit, quae illarum sibi competat; vel etiam sciverit hoc postremum, & tamen cumulaverit, utramque conjungendo; quo casu, in hoc ultimo merito rejicitur libellus; in priori autem alternativè illas poterit proponere cum protestatione, se illam intentare, ex qua ipsum obtinere contingat, ut dicitur L. 1. §. 2. quod legatorum.

**496.** Ut autem proprius accedamus ad quæstionem propositam, notandum, mutare libellum, ac emendare, diversa esse. Mu-

Tom. II.

tatio contingit, cum varietur ipsius substantia, substituendo novam actionem, vel causam petendi, aut aliud petendo; emendatio autem est reformatio ejus salvis substantialibus, in his solum, in quibus male conceptus est, corrigendo v. g. obscuritatem, vel addendo aliquid, aut detrahendo, salvâ tamen ejus substantiâ in actione, causa, & petitione; qualiter fieret, si Actor, qui prius excessit plus petendo, demeret excessum, vel refecaret superflua; seu obscurius posita, explicatius redderet, &c. quibus positis:

Quæstio est, quando, & quādiu licet mutare, vel emendare Libellum? **497.** Resp. tradi sequentem regulam, tam mutationem, quām emendationem Libelli licitam esse ante litem contestatam: non autem, post illam, idque non tantum in causis civilibus; sed etiam criminalibus. Colligitur ex L. Edita. 3. C. de edendo, ibi edita actio speciem futura litis demonstrat quam emendari, vel mutari licet, prout editi perpetui monet auctoritas, vel jus redditis decernit aequitas; ubi gloss. lit. I, libellum, ante litem contestatam, inquit, emendare quis potest; post contestatam, non: & hoc, postquam ad quæstionem, an ex clausula, salvo jure addendi, Actori impunè licet alterutrum, emendare libellum addendo, vel demendo? respondet negativè; quia, ubi libellus inceptus est, Reo justa exceptio competit, de qua Olendorpius in tit. de exceptionib. c. 2. i. Ubi tamen nota, quod si qualitas actionis, vel causa petendi mutata esset, etiam ante litis contestationem, libello jam communicato parti adversæ, novæ huic dilationes concedantur, ut deliberare, & instruere se possit pro lite futura; ut notat gloss. in cit. L. 3. V. emendari, vers. Item, an in nova, Actore tamen non condemnato ad expensas à Reo factas, ubi ignorantia non excusat errorem Libelli, ex non intelligentia commissum.

Cæterum, post litis contestationem; **498.** mutatio libelli fieri non potest; sed facienda est nova instantia cum solutione expensarum, oblatoquè novo Libello, ut constat ex c. Examinata. 15. de Judiciis, ubi Matthæus volens recuperare Ecclesia in N.

S. 2.

quam

quam in sequestrum Vice Dominus N. accepferat, induxit testes ad probandum, quod ipse tum jus Patronatus illius Ecclesiaz possidebat; respondit Pontifex, *eum actionem intentasse ineptam, nec rei vindicationem, aut restitutionem posse postulare*, ideoque se partem adversam, ejus intentione rejectam, absolvisse; ita tamen, ut si congruentem Matthaeus intentare voluerit actionem, nihilominus ipsi respondere teneantur; & colligitur ex L. non potest. 23. ff. de Judiciis, ibi: *non potest videri in judicium venisse id, quod post judicium acceptum accidisset: ideoque alia interpellatione opus est.*

499. Quantum porrò attinet ad emendationem libelli per additionem, not. i. si Actor in judicio universalis fortasse specificavit aliqua bona, & aliquorum oblitus est, posse usque ad sententiam addere, nec ab hoc impediri per oppositionem: quia talis additio non est propriè emendatio, quia non tenebatur Actor specificare; & specificando gratificatur etiam Reo, ne novis expensis beat in judicium vocari. Idem dicendum de judicio generali. Quoad judicium singulare convenient Doctores, quod possit emendari, seu mutari per additionem, ita, ut id, cui additur, postea includatur, sicut decem in viginti. Difficultas tamen est, an hoc intelligendum veniat, etiam post litis contestationem? in resolutione hujus questionis non convenient Doctores; nam, si sermo sit de mutatione, prout opponitur emendationi, videtur negandum; ex L. non potest, relatâ num. præcedente.

500. Alii sentiunt contrarium, quibus patrocinari videtur textus in Q. si minus. 34. Instit. de Actionibus, ubi habetur: *semper in intentione sua complexus fuerit Actor, quam ad eum pertineat: veluti si, cum ei decem aurei deberentur, quinque sibi dari oportere intenderit: aut si, cum totus fundus ejus esset, partem dimidiari suam esse petierit: sine periculo agit; in reliquum enim nihilominus Iudex Adversarium in eodem judicio ei condemnat ex constitutione diuæ memoria Zenonis; & Q. si quis aliud. 35. Instit. cod. ibi: si quis aliud pro alio intenderit: nihil eum periculare placet, sed in eodem judicio cognitâ*

*veritate, errorem suum corrigere ei permittitur. Veluti si is, qui hominem Siquid petere deberet, Erom petierit: aut si quis ex testamento dari sibi oportere intenderit, quod ex stipulatu debetur. Nam, et si quis fortasse respondere, textum in §. 34. solum loqui de emendatione; textus tamen in §. 34. clare loquitur de mutatione, cum aperte loquatur de causa petendi, quando petitur ex testamento; cum ex stipulatu debeatur: responderi tamen potest, pro manuteneda sententia Legis, non potest. 23. ff. de Judiciis, ex adductis juriibus, recte quidem probari libellum, & emendari, & mutari posse; sed ante litis contestationem; neuter enim eorum textuum meminit de tempore, quo ea, quæ inibi dicuntur, fieri possint; standum igitur erit Legi, non potest.*

Jam vero quoad emendationem, vel mutationem qualitatum per additionem, notandum alias esse principales; alias, minus tales. Illæ sunt, quarum additione mutatur actio, & facti substantia; istæ, quæ secundum, ut si adderetur solum circumstantia loci, temporis, quæ solum sunt adventitiae, ac extrinsecæ, ac etiam omitti poterant, manente facto, & damno, ut si Actor prius dixit, servum fecisse damnum *conscio domino;* & deinde corrigen dicat, fecisse damnum *ignorante Domino;* in hoc enim casu manet adhuc factum servi, & damnum illatum, sive conscientia, sive ignorantia Domino illatum sit. Exemplum primi esse posset in Actor, qui ageret contra homicidiam Clerici; & in Libello deinde adderet qualitatem, v. g. *Clerici Cardinalis;* hæc additio mutaret substantiam facti, ex circumstantia, quæ in tali casu homicidii specialiter attenditur, & aliter, quam homicidium præcisè Clerici; & hæc mutatio fieri quidem potest ante, sed non post litis contestationem ex causa redita in numer. 448. si autem aliquid corrigatur in qualitatibus solum minus principalibus, cum in dato casu non interveniat *mutatio,* sed mera *emendatio,* non modo ante, sed etiam post litum contestatam fieri potest, prout colligi videtur ex L. 4. §. 3. ff. de noxalibus actionib.

Dixi: quoad emendationem, vel mutationem per additionem; questio nunc est,

est, si fiat per detractionem? loquendo de superflorum, ac impertinentium detractione communis tenet, fieri posse etiam post litis contestationem; sicut etiam si detractione fit, quod Reus exinde minus gravetur, aut ab eo minus petatur; modò nihil detrahatur de substantialibus, vel illis, quæ dispositivæ in favorem Rei posita sunt in Libello, arg. L. 9. C. de liberali causa, ubi Actori, qui Reum ex ancilla natum dixit, sed simul Dominum, quod solùm Liberis dabatur, compellavit, non est permisum, ut detraheret vocem Domini; & diceretur agere contra seruum.

## ARTICULUS III.

## De clausulis, &amp; effectu Libelli conventionalis.

<sup>503.</sup> Cum dixerimus n. 469. Libello quandoque addi quasdam clausulas, quæ dicuntur *salutares*, ut notat Gonzalez in c. 1. b. t. num. 7; seu, quod idem est, *salvantes*, quasi purgantes omnia vitia Libelli, notandum. 1. Eiusmodi clausulas sola consuetudine introductas esse, nec aliud obtinere, quam ut Judex, per tales clausulas requisitus, possit ex officio supplerè vitia Libelli, ceteròquin Actori obfutura, propterea, quod in expensas partì condemnari possit, si quæ ab ea factæ sint. Not. 2. hæc clausulas, quas subiungentis hoc articulo, vim suam habere solum in Libellis judicariis, non autem extraordinariis, & supplicibus; quibus positis:

<sup>504.</sup> Prima clausula, quæ in fine Libelli communiter apponi solet, est: *super quibus omnibus, & eorum singulis, peto mihi ius, & justitiam ministrari*. De hujus effectu non eodem modo loquuntur Authors, ut videri potest apud Haunold. tom. 5. tr. num. 175. Nam Maranta vult, quod solvet omnem ineptitudinem Libelli; alii, quod vi ejus omnis actio, & remedium, resultans ex narratis, censeatur deductum in judicium; salvetque sententiam Libello difformem, conformem tamen intentioni Actoris, licet non satis expressæ; & Actorem liberet ab expensis, ob ineptitudinem Libelli; quæ tamen ne-

gant plures apud Scacciam: Unde cum non fundetur in jure scripto, sed solâ consuetudine, secundum quod hæc in cuiusque Regionis Tribunâlibus recepta est, definiti debet.

Altera clausula (*omni meliori modo*) 505.

Judicem obligat ad interpretationem Libelli, prout Actori est utilius, ut diximus numer. 475. Tertia est, cum Actor dicit, *quod se non adstringat, &c.* nimurum qualitatibus adventitiis, ac extrinsecis probandis, si quæ fortassis Libello non necessariae, ac redundantes insertæ forent. Quarta est, *protestatio de expensis*; nam per eam Libello apposita censetur interpellatus Judex, ut victum condemnet in expensas, esto alias non teneretur. Quinta, cum offerens Libellum protestatur, se non offerre in vim Libelli, sed qualis petitionis; hanc tamen esse inanem censet Scaccia apud Haunoldum cit. *nisi si, & quatenus opus sit, vel à jure requiratur;* quamvis iste existimet, habere vim inducendi processum Summarium, si alias eum causa admittat. Sexta denique est, *salvo jure, emendandi; quæ tamē plus non operatur, quam emendandi facultatem concessam jure communi;* sic de clausulis allatis Haunoldus cit.

Quantum pertinet ad alteram tituli in 506.

hoc articulo partem, de effectu Libelli, præmittendum, quandoque fieri, quod petatur *editio Libelli*, vel instrumentorum; pro quo not. per *editionem Libelli* juridicè intelligi exhibitionem Libelli, statim iussu Judicis implorato ejus officio, qui tales sibi exhibitionem fieri postulat; quam Judex concedere debet, si petentis interfit, præstito tamen juramento calumniæ, quod non faciat hujus causâ; per L. 9. §. 3. ff. de edendo. ibi: *Cæterum omnibus postulantibus, & jurantibus, non calumnia causâ petere rationes, que ad se pertineant, edijubet;* & clariss L. 6. §. 2. cod. ibi: *exigitur autem ab Adversario jusjurandum, non calumnia causâ postulare edi sibi;* quod quidem procedit de jure scripto; nam de consuetudine quandoque sufficit generale juramentum calumniæ, quod alias lite contestata præstatur ad totam causam; quæ porro causæ sufficiunt.